



O le ā e faatalitalia i la'u suesuega ole iloiloga tau le Soifua Maloloina o le Mafaufau (Mental Health Review Tribunal-MHRT)

O le ā le sueduega ale MHRT

O le Mental Health Review Tribunal (poo le Tribunal poo le **MHRT**) ose totino latou te faia faaiuga tutasi. E lē ose vaega o seisi auaunaga tau soifua maloloina poo se 'au e faia togafitiga.

Ise sueduega a le MHRT, ole a o latou faia ai se faaiuga e faatatau ile mataupu o loo aofia ai oe. (involuntary order) O i latou e faia le faaiuga e taua o sui. O sui e mafai ona aofia ai loa, fomai poo ni sui ole komiuniti. O se sui ole komiuniti ose tagata e lē ose fomai poo se loa ae iai lona tomai e fesoasoani ai e faia se faaiuga.

O le MHRT latou te faalogologo i faamatalaga mai ia te oe male 'au lea na faia ou togafitiga. Ole MHRT e filifili:

1. pe e manaomia pe leai ona e nofo i lau lava pule ma
2. i mea o loo e maua ai togafitiga/tausiga (faataitaiga pe e manaomia ona e nofo ile falemai ao faia ou togafitiga]

Mo tagata e aofia ile forensic order (o leisi ituaiga poloaiga lea e faatatau ile tulaga o loo aafia ai le tagata), e masani lava ona faia ele MHRT le faaiuga:

1. mo gasegase ile falemai, pe fia ni o latou livi faalekomiuniti o loo iai; ma
2. aiaiga ole poloaiga poo le order (faataitaiga poo ā mea e mafai ma lē mafai ona fai).

Ole MHRT e lē mafai ona o latou faia ni faaiuga e faatatau i au vailaau ma fualaau ma inumaga.

Pe faapefea ona ou iloa poo afea lo'u sueduega ma pe e tatau ona ou alu iai?

O le a e maua se faaaliga ile meli e ta'u atu ai ia oe le aso o lou sueduega ma le nofoaga e faia ai.

O sueduega e masani lava ona faia i lou falemai faalotoifale poo le nofoaga autu mo gasegase tau le mafaufau i totonu o le komiuniti. O lau sueduega e mafai ona faia ise faafesāgaiga pe o luga foi o le telefoni poo faatalanoaga i luga o le video. Afai ete fia auai e ala ile faaaoga o sau televise poo se faatalanoaga i luga ole video, faamolemole faafesootai le MHRT.

E te le tau alu i lou sueduega, ae ose avanoa lelei mo oe ia faaleo ai sou finagalo. E te le tau alu nao oe i lou sueduega. E mafai ona e aveina ane seisi o i latou pei ose tausinga, sui ole aiga poo se uo e lagolagoina oe. Afai ole a le mafai ona e auai i le sueduega, o le a mafai lava ona faailoa ou lagona ile MHRT e ala ile pepa faatumu pe lafo foi sau imeli e lafo poo se tusi agai i le MHRT. Afai ole a e le alu i le sueduega, e mafai lava ona faia e le MHRT se faaiuga.

O le ā ou te faia muamua ae le'i faia la'u sueduega?

Afai ete mana'o e faatumu se lipoti faatatau ia te oe lava, e ao ona e faatumuina lea pepa ao le'i faia lou sueduega. O le a lafo atu se kopi o lea lipoti ia te oe ile meli ao le'i faia lou sueduega. E mafai



ona e maua se fesoasoani mo le faatumuina o lea pepa mai ia i latou e vaaia oe, aiga ma uo. E mafai ona e lafoina lea pepa i le MHRT ao le'i faia lau suesuega pe ave foi iai i le aso e faia ai le suesuega.

E tatau i lau 'au sa togafitia oe ona tusia sa latou lipoti e faatatau i lou gasegase/manaoga tumau ma lona faagasologa. E tatau ona tuuina atu ia te oe se kopi ia lē itiiti ifo male 7 aso ao lei faia lau suesuega. E ao ona e faitauina lenei ma afai e iai ni au fesili e mafai ona e fesili ai ile 'au sa faia ou togafitiga. E mafai foi ona fai iai sau faamatalaaga i totonu o lau lipoti lea sa tusia mo oe lava. E mafai ona e maua se fesoasoani mai lou faitau i le lipoti mai tagata e vaaia oe, aiga ma uo.

E ono manaomia lou talanoa atu i lau tagata lagolago mo le tausaiaina o oe poo isi tagata e lagolagoina oe e faatatau i le auai faatasi mai ma oe ile taimi o le suesuega. E ono e maana'o foi e faatulaga se loa e tulai mo oe e fai ma ou sui, e ui e lé manaomia lea tulaga. I nisi tulaga o le a tofia e le MHRT se loa mo oe. Afai ole tulaga lea, ole a faafesootai sa'o atu lava oe e le loa. Mo nisi faamatalaga e faatatau ile ave ma sui mo oe i lau suesuega, asiasi i le upega tafailagi a le MHRT pe fesili i lau 'au o loo feagai male togafitiga o oe.

O le ā e tupu i la'u suesuega?

Ole suesuega a le MHRT e le soona faamamalu e pei ose faamasinoga. E lē taumate ole a e saofa'i ise laulau ise potu mo fonotaga.

Ile suesuega o le a iai pe a male lua ile fa sui mai le MHRT atoa ai ma tagata mai lau 'au e faia ou togafitiga. E ono iai foi ma se tagata e lagolago mo oe ma se tagata e tulai mo oe faaletulafono. O le a mafai ona auai sui ole MHRT i totonu o le potu faatasi ma oe ma auai ai i le suesuega pe o le a faaoga mai foi le telefoni poo le fesootaiga ile video. Afai o loo e iai i lau suesuega mo se forensic order poo se tulaga e sailia ai lou malosi mo se iloiloga, e ono auai ai ma se sui mai le ofisa o le Loa Sili, o lo latou sao ina ia fai ma sui ole komiuniti.

Ole suesuega ose faiga e patino ia te oe lava, o lona uiga o tagata e lē aofia i ou togafitiga, tausiga male vaaiga o oe, e lē tatau ona iai i le potu.

O sui o le a o latou faailoa atu i latou ia te oe ina ia e iloa poo a igoa e faaigoaina ai i latou. E le manaomia ona e faaogaina se gagana faapei ole "Lau Afioaga"

O sui o le MHRT ole a talanoa lava ma oe, o lau tagata lagolago ma lau 'au e togafitia oe e fesiligia le tulaga ua iai le faagasologa o ou togafitiga. Ole a tuuina atu foi ia te oe le avanoa ete ta'uina ai i sui ou lagona. E ono manaomia lou talanoa sa'o atu ia i latou, pe tauala foi ise sui e tulai mo oe poo mea uma foi ia e lua. O lau 'au sa togafitia oe ole a fesiligia e tuuina atu ni o latou finagalo faaalua i le tulaga ua iai lau togafitiga atoa ai male vaaiga o oe ma lou faasolosolo ina malosi.

O sui o le MHRT e ono fesili atu ia te oe, lau 'au togafiti ma isi ina ia tuua le potu mo sina taimi puupuu ao faia la latou faaiuga. O oe ma isi uma sui auai ole a toe valaaulia mai i totonu ole potu o loo faia ai le suesuega. Ole MHRT o le a o latou tauina atu ia te oe la latou faaiuga pe filifili foi latou sei faia la latou faaiuga i lse taimi. Poo le a lava le ituaiga mataupu, ose filifiliga lava e taunuu iai o le a lafoina atu ia te oe i totonu ole fitu aso.



Ole ã ole a tupu pe a ma'ea la'u suesuega?

Ole a mafai ona e talosagaina se faamatalaga tusitusia mo mafuaaga o le faaiuga. Ole faia o le tulaga lea ole a faamatalatala atu i faamatalaga o loo lafoina atu ia te oe atoa pe ete faafesootai sa'o foi le MHRT..

E ono iai lau aiã tatau e apili ai le faaiuga ua faia e le MHRT agai ile Faamasinoga o le Soifua Maloloina ole Mafaufau i totonu o aso e 60 talu ona faia mai le faaiuga. Mo nisi faamatalaga e faatatau i lenei e mafai ona maua mai le Lesitala ole Mental Health Court ile (07) 3082 0554 pe imeli. registrarmhc@health.qld.gov.au

Mo nisi faamatalaga

Mo nisi faamatalaga e faatatau ile MHRT, faamolemole taga'i ile upega tafailagi a le MHRT :www.mhrt.qld.gov.au.

(07) 3338 8300
enquiry@mhrt.qld.gov.au